

Öise Lade 2-2012, p. 54

Mia onda n'ha anc gnanc ventg onns e tuttina è ella gia en la vegliadetgna da pensiun. Be pervia dals 29 da favrer, ses di d'anniversari. Sch'ins è gia pli vegl poi anc esser carmalant d'avair anniversari ils 29 da favrer. Lura pon ins adina divider la vegliadetgna cun 4. Ma sco uffant? Quai sto esser la tortura. En sasez han



Il di regalà

ins alura be mintga 4 onns anniversari, damai datti era be mintga 4 onns regals. E sch'ins fa tuttina mintg'onn festa, ston ins adina far festa u il di avant u il di suenter. Pauc agreabel. Ed ils giubileums? Fan ins lura festa per il dieschavel cun 40? Festivari il ventgavel fiss lura prest ina prestaziun.

E co èsi per quels che n'han betg anniversari ils 29 da favrer? In di regalà? U in di supplementar cun stress, lavur e pendenzas? Probablmain dependa quai da mintgin. Sch'il dretg da lavur prevesa la pussaivladad da far liber quest di ch'i dat be mintga 4 onns, na sa jau betg. Ma ins savess sez surpigliar l'iniziativa. Dir al schef: «Ils 29 sun jau davent, Vus n'avais segiramain betg fatg quint cun mai quel di ch'i dat be mintga 4 onns.» E lura si e davent; wellness cun l'um u cun la dunna. U in bel di da skis. U simplamain restar a chasa, leger il cudesch ch'ins vuleva leger gia daditg e la saira baiver in aperitiv cun in surrir per il di regalà.

A revair!



David Spinnler

